

)(2<sup>r</sup>

---

Dem Achtbarn vnd fürnehmlichen Paulus Hector Meier/ Bürger in der  
Statt Augspurg/ 7c. meinem groß

günstigen Herrn.

Achtbarer günstiger lieber Herr/  
Mein schuldig willige dienft/ vnd was ich  
in der gnaden Gottes vermag/ zuuor. Gar  
wol vnd recht schreibt der hothgelerte Rö-  
mische Poet/ Marcus Varro/ daß man  
kein bessere fruchtbarlichere weiß oder art  
zu lehren/ auff vnd fürbringen möge/ als  
da man nach vnd mit des worts Regeln zu  
gleich auch gute vernemliche Exempel oder Beyspil gibt vnd für-  
tregt: Vrfach/ dieselbigen können neben anderm groffen fromen/  
auch darzu wol dienen/ vnd nur sehr fürderlich fein/ daß man die  
angegebene Rede also baß vernimmet/ im gemüt ehe begreiffet/ vnd  
durch die gedechtnis desto lenger auffhebet/ Sonst wem nur das  
bloße wort ohn alle Exempel anhin getrieben/ vñ allein mit schlech-  
ten einfeltigen præceptis verhandelt wird/ Gott gebe wie köftlich  
vnd aufrichtig das jimmer fein/ oder auch mit hohem vernünftigen  
außsprechen auffgemutzt vnd eingeblewet werden kan/ bewegt  
es doch das menschliche hertz vnd gemüt nicht so weit/ es ist auch mit  
dermassen angenehmen/ vnnd wirt nit so steiff vnd lang behalten/ als  
da mans mit lebendigen Geschichten probiert/ mit altē oder newen  
Exempeln außfüret/ vnd durch merckliche warhaffte Hiftorten be-  
zeuget. Deme also nach/ müssen mir alle weise verftändige Män-  
ner/ wie ich anders tröstlicher vngezweifelter hoffnung bin/ das zu  
gebē/ vñ für recht vñ gut sprechen/ da ich mit warheit vñ rechtmessi-  
gem fuge/ ohn scheuwen/ frey bekennen vnd herauß lassen darff/ es  
könne/ nach den heiligen Biblischen Schrifftten/ beide alles vnnd  
newen Testaments/ nicht wol etwas herrlichers/ vnd das zu dem ge-  
meinen nutz gröffern fromen schaffet/ erdacht/ vñ durch den Truck  
an tag gegeben werden/ als eben die Hiftorien vnd verlauffene ge-  
wisse Exempel der zugetragenen/ hin vñ wider begebenen Geschich-  
te: Denn was die wolweisen/ lange vnd weit erfarnen groffe Leuth/  
sampt den hochgelehrten/ sehr vernünftigen scharffitnnigen Phi-  
lofophis/ durch ihre præcepta vñ schlechte Regeln auffskürtzet vnd  
( ij einfel-

)(2<sup>v</sup>

---

Vorred.

einfältigst lehren/ angeben oder auch erdencken mögen/ das zum vntadelichem/ ehrlichem/ fromen leben fürstendig/ nützlich vnd erfprißlich sey/ das bringen die Geschicht mit den Exempeln vnd allerley kundtbaren Beyspielen gewaltiglich/ vnd gleich lebendig zum henden/ vnd stellen es ganz scheinbar/ vnd dermaßen für das Gesicht/ als were man selbst darbey/ vnd sehe es/ mit leiblichen Augen/ gegenwertig also geschehen/ Alles/ was vorhin die wort durch die Lehre vnd præcepta in die Ohren der Zuhörer vñ Schüler an geben/ eingekoffen vnd fürgetragen haben. Da kompt man denn in gewisse vnlugbare erfarnis/ vnd findet es gleich one alles weiter nachfinnen vnd vmbsehen/ beyde wie die gehandelt/ geredt vnd gelebt haben/ so tugendtfam/ gottfelig/ vnd aufrechte verftendige leuth gewesen sind/ Vnd wie es ihnen allenthalben ergangen/ oder auch welcher maßen sie für jhr gerechtes/ ehrbarliches wesen/ vnd dapffere mannliche Thaten belohnet vnd bezahlet sind/ Auch hinwiderumb wie die gehandelt/ vnd jhr leben geführt/ welche sich vnehrbar/ schendtlich vnd Gottslefterlich erzeiget/ vnd was sie da für einen lohn vnd vergeltung eingenommen/ vnd empfangen haben. Darumb so redet Nicephora/ der alte Griechisch-Geschichtschreiber/ nicht vnformlich/ sondern sehr wol vñ geschicklich von der sachen/ da er die Historien mit ihrem nutz vnd inhalt gründtlich abzumahlen/ vñ mit kurtzen rechtmessigen worten zubeschreiben für hat/ vnd spricht: Die Cosmographia vnd Geschicht oder Weltbücher/ sind gleich einer hellen lautbaren Posaunen/ so mit ihrem Klang vnd Thon aller Menschen hertzen vnd gemüter auffwecket/ wacker vnd freudig macht/ daß sie beide Augen vnd Ohren weit auffsperrren/ vnd als in einer fürgelegten Mappen oder Landtafeln der gantzen Welt/ sich in den beschehenē hendeln vnserer Vorfahren erkundigen/ erinnern vnd vmbsehen/ Was sich nemlich je vnd je auff dem gantzen Erdboden begeben vnd zūgetragen/ Was ein jedes Volck von dieser oder jener sachen erkandt oder nicht erkandt habe/ Wie mancherley Geschlecht der leuth auff Erden gelebt/ Wie lang vnd wamit dieselbigen jhre zeit verzehret/ was jhr thun vnd lassen gewesen/ Was sie auch ehrbarliches oder schendtliches fürgenommen/ vnd welche herrliche merckliche gaben sie von Gott ihrem HERREN ererbet. Item/ welcher maßen jhrer viel in verlauffenen jaren/ entweder groffen vnfall/ betrübnis/ angst vnd jammer eingenommen/ oder aber zu vnuersehenlichem groffen

)(3<sup>r</sup>

---

Vored.

groffen glück/ hohen fachen/ vnnd wunderbaren händeln kommen  
vnnd erhaben find/ Darneben auch/ welcher gefallt ettliche leuth  
zû viel mahlen gar feltzam/ one alle jhre gedancken oder zûuerficht/  
von groffem verderblichem vnfall/ leiden vnd ellend entkommen/  
gefreiet vnd erlöfet find.

Ja es ſpricht auch der hochgelerte/ gantz löblicher ehrwürdiger  
gedechtnis Herr D. Martin Luther an einem ort/ daß wenn man  
dem handel etwas tieffer nachſinnen/ jn recht zû gemût leiten/ vnd  
mit gûtem ernft behertzigem wölle/ ſo ſeien auß den Exempeln vnd  
auffgeſchribnen vergangenen Gefchichten oder Hiſtorien/ faſt alle  
rechte künſt/ gûte weiſe Râth/ warnung/ drâuwen/ ſchrecken/ trô-  
ſten/ ſtercken/ vnderricht/ fürſichtigkeit/ weißheit/ klugheit/ ſampt  
allen tugenden/ ꝛc. als auß lebendigē Brunquellen entſprungen/

herkommen vnd an tag gegeben. Was macht oder vrfachet aber  
ſolches alles (ſpricht Doctor Martin ferner) denn daß die Hiſto-  
rien mit den lebendigen ſchönen Exempeln nicht anders ſind/ noch  
geheiffen mögen werden? denn gewiſſe vnzweiffeliche anzeigung/  
gedechtnis vnd merckmal Göttlicher Werckhandel/ vnd Gericht/  
wie er nemlich den gantzen vmbkreis der weiten Welt/ fürnemlich  
aber die Menſchen/ ſo von den Philoſophis für die kleine Welt/ ires  
wunderbarlichen ſchönen gefchöpffs halben/ geachtet vnd alfo ge-  
nennet werden/ auffenthelt/ treibt/ hindert/ fördert/ ſtraffet vnnd  
ehret/ Nach dem ſolchs ein jeglicher mit ſeinem eigen thûn oder laſ-  
ſen verdienet vnd gewirdiget wirt/ böſes oder gûtes/ Vnd ob gleich  
jhrer/ leider Gott ſey es geklaget/ vil vnd mehr denn es gût/ vnnd  
jhnem auch ſelbs fürtentig iſt/ hin vnd wider gefehen vnd erfun-  
den werden/ die Gott den HERRN gar wenig erkennen noch  
achten/ oder auch für augen haben/ noch müſſen ſie ſich gleichwol/  
ohn jhren danck vnd willen/ an den feltzamen Hiſtorien vñ ſcharpf-  
ſen Exempeln ſtoffen vnd entſetzen/ daß jhnem nit auch dergleichen  
in jhrem Garten wachſe/ wie Dem vñ Dem/ ſo durch die klare vn-  
leugbare Gefchicht fürgetragen vnd angegeben werden/ dadurch  
ſie freilich herter verurfachet/ vnd mehr bewegt werdē auß fremb-  
der Leuth vilfeltigen torheit verſtand zû ſchöpfen/ vnd mit anderer  
Menſchen ſchaden/ wie man ſpricht/ weiß zû werden/ denn ſo man  
ſie nur anhin mit ſchlechten worten des Rechts oder Lehre abſchre-  
cket/ auffhelt/ vnd jhnem vil ſtöret/ wie wir denn leben/ nicht allein

in der heiligen Góttlichen Schrift/ fndern auch in den Heidni  
) ( iij fchen

)(3<sup>v</sup>

---

Vorred.

ichen Büchern/ daß sie so weidlich vnd vil anziehen vnd fürhalten der Vorfarn Beifpil/ wort vnd werck/ wo sie etwas erheben vnd gewinnen wöllen bey den schlefferigē faulen Schülern vñ zühörern/ oder da sie fürhaben zūleren/ ermanen/ warnen/ abschrecken das grobe vnbewegliche tölpische Volck/ so sonft jhrer todten Būchstabischen Regeln nicht faßt achtet/ sondern sie mehrertheyls zū dem einen Ohr ein/ vnd zū dem andern wider außgehen laßt.

Derhalben sind auch die Geschichtschreiber (sagt vilgedachter Doctor Luther) faßt die aller nützlichsten Leuthe vnd besten Lehrer/ daß man sie nimmermehr genug kan ehren/ loben vnd bewirdigen/ vnd solt das noch heutiges tages ein eigen hoch vnd hart angelegen Werck der groffen Herren/ Keyser vnd Königen sein/ die da jhrer zeit Hiltorten/ vnd die fürnehmsten Exempel mit allem ernst vnd groffem fleiß lieffen auffschreiben/ durch den Truck außgehen/ vnd auff die Librareien verwahret beylegen/ Auch sich keinen koften lassen reuen oder dawren/ so auff solche Leuthe/ die da geschickt vnd tüchtig darzū sein möchten/ zū erhalten vnd zūerziehen/ gieng vnd angewendet würde/ Wie man denn weiß vnd vnleugbar ist/ auch sonderlich auß den Büchern der Richter/ Könige/ Chronicken sehen/ vnd vernemen kan/ daß bey dem Jraelischen oder Jüdischem Volck solche Künftler sind bestellt/ gestiftet vñ erhalten gewesen/ Auch wirt man bey den Königen in Perlen solche Librarey in Meden zū Ecbatana gehabt vnd zūgericht haben/ als man auß dem Būch Efra vnd Nehemia leichtlich abnemmen vnd vermercken kan. Die Griechen hetten auch deren Leuthe vil/ die allen jhren verfallenen händeln so genaw vnd ernstlich nachgiengen/ daß kein Weib oder Kindt bey jhnen etwas sonders geredt oder gethan hat/ es ist in die Feder gefasset/ vnd muß es alle Welt lesen vnd wissen/ So lieffen auch die Römer alle jhre jährliche Geschicht gar fleißig vnd ordentlich auffzeichnen/ vnd verwareten solche Hiftorien in jhren heimlichen köftlichen Schatzkammern/ bey vñ neben andern Kleinodern/ als die beste vnd fürtrefflichste Feinbeerlin.

Derwegen/ vnd vmb viler andern hohen trefflichen vrsachen willen/ die vns die Hiftorien vnd allerley verlauffene merckliche Exem-

)(4<sup>r</sup>

## Vorred.

Exempel vnd Beyſpil billich einbilden/ vnd hoch zů hertzen führen  
 ſolten/ wolt ich für meine Perſon nicht gerne etwas erwinnen oꝛ  
 der fehlen laſſen/ ſo viel anders meinen handel vnd dem Truck be-  
 langen thůt/ ſondern habe mir auff etlicher verftendigen hochwei-  
 ſen Männer vielfeltiges ernſtliches anhalten/ vnd rathen gantz-  
 lichen vnd beſtendig/ vermittels der hůlff vnnd gnádigen zůlage  
 Gottes/ zů gemůt gefallet/ vnd fürgenommen/ daß ich die beſten  
 fürnehmſten alten Hiſtorien oder Geſchicht Bücher/ vnfern Teut-  
 ſchen/ meinen lieben woluermeinten Landsleuten/ zů ſonderem  
 dienſt vnd gůt gefallen auffſ treuwlicheit vnd fleiffigeit wůlle laſ-  
 ſen vberſetzen/ vnd ferner durch den Truck an tag bringen/ Vnter  
 welchen dieſes Bůch des hochgelerhten weit vnnd wolerfahrenen  
 alten Růmers/ Valerij Maximi/ von den namhaftigen wunder-  
 baren Geſchichten vnd Exempeln/ beide der Růmer vnd anderer  
 außlendifchen Vólcker/ auch eins vnd faht das erſte ſein ſol/ daß  
 der hochgelehrte Herr Peter Selbeth/ der Rechten Licentiat/ an-  
 ſengliches verteutſchet/ vnnd jetzt auff mein begeren auch der wol-  
 erfahrne Niclas Heiden/ neben andern/ nach dem Latinifchen Ex-  
 emplar vberſehen/ vnd an vielen orten gebeffert hat.

Weil ichs denn dem alten lobwürdigen gebrauch nach/ nicht  
 habe können oder willen zůnderlaſſen vnd fürüberzůgehen/ mir  
 zů dieſem nůtzbarlichen Werck einen ehrlichen gůnſtigen Patron  
 zůfuchen vnd erwehlen/ der zů den alten Geſchichten ſonderlichen  
 groffen wolgefallen trage/ vnd gegenwertige arbeit für den böſen  
 neidifchen Dadlern (denen nichts recht ſein kan/ ſondern alles zů  
 vngůtem deuten) ſchůtzen vnd ſchirmen helffe/ bin ich gleich einge-  
 denck vnd befunnen worden/ welcher geſtalt vnd maſſen ich vor et-  
 lichen jaren bey euch/ Herr Maier/ in ewerem dienſt vn̄ behaufung  
 gewefen/ vnd da vilfeltige gůtthat vnd freundſchafft/ ſo mir noch  
 vnuergeffen/ von euch vnd den ewern empfangen vn̄ eingenomē.  
 Derhalben ich denn euch/ als meinem gůnſtigen lieben Herrn/ die  
 verteutſchung vnd neuen Truck dieſes Bůchs/ das meines růmens  
 nit faht bedarff/ weil das werck den Meiſter felbs gnugſam loben vn̄  
 preiſen wirt/ dediciern vnd zůeignen wůllen vnd ſollen/ Trůftlicher  
 vngezweiffelter hoffnung/ jr werdet meinē geneigten gůthertzigem  
 )( iijj willen

)(4<sup>v</sup>

---

Vorred.

willen dabey spüren/ vnd es von mir im besten auff vnd annemen/  
Demn euch vnd den eweren nach allem meinem vermögen zūdie-  
nen vnd wilfaren/ folt Jhr mich jeder zeit/ wie billich/ gantz willig  
vnd befliffem erfinden/ Thû euch vnd die ewern dem lieben Gott  
im feinen schutz vnd schirm/ mit wünschung langes friedfames Le-  
bens/ welches vns der Allmechtige ewige Vatter/ vnd nach diefem  
zeitlichen vergenglichen wesen/ das ewige jimmerwehrende leben in  
seinem Reich auß Gnaden verleihen vnd mittheylen wölle/ Da-  
tum in Franckfurt am Mayn/ Anno 1565.

E. gantz Williger

Sigmund Feyerabend/  
Bürger vnd Büchhänd-  
ler dafelbsten.

)(5<sup>r</sup>

---

Vom leben Valerij Maximi/  
vnd diefen feinen Neun Büchern/ sampt derfel-  
ben Innhalt vnd verteutſchung/ kurtzer bericht durch  
Nicolaum Heiden.

VALErius Maxi-  
mus/ Bürger vnd Einwoner zu  
Rom/ geborn von dem herrlichen  
vralten Römifchen Adel der Ge-  
ſchlechter/ begabe ſich von jugent  
vnd Kinds wefen auff/ die gute  
freie vnd löbliche Künſt zu lernen/ vnd dieſelbigen  
mit allem möglichen fleiß vnd höchſtem ernſt zuer-  
kündigen. Vnd nach deme er das ſibentzehemde jar  
erreicht/ bekame er den Bürgerlichen/ Mannbarn/  
Purpur oder Ehrenrock/ welchen die Römer/ togam  
uirilem/ nenneten. Demnach ergabe er ſich auffſ  
Kriegsgewerbe/ vnnd ließ ſich auch da in allen Rit-  
ter meſſigen dapfferen Kampff vnnd Streitfücken  
gantz meißerlichen vnnd hurtig gebrauchen/ ver-  
diente ein weil Soldt/ Schiffte nachmals mit Pom  
peio/ dem Sechſten/ in Afiam/ kam von dannen wi-  
derumb gen Rom/ guter tröftlicher Zuuerſicht/  
auch vnuerzagter vnbetrüglicher hoffnung/ er kün-  
de daſelbſten/ als daheim/ vnnd inm feinem Vat-  
terlande nicht allein mit wol vnnd zierlichem re-  
den/ Sondern auch andern fürtreghlichen Diemſten/  
vnd vnzehlichen wolthaten/ vielen erfprießlich vnd  
nützlich

)(5<sup>v</sup>

---

Von Valerij Leben/

nützlich sein/ verlieffe derhalben den Krieg/ tratte widerumb zur Lehre/ vnd dem ftudieren/ fo er ein zeit lang auff ein ort gefetzt vnd dahinden gelaffen/ vnd vnderfunde fich durch genugsamen angewendten embfligen fleiß/ beide der Rômer vnd außlendifchen Volcks/ die aller gedenckwürdige fürnehmste spruch vnd Thaten (wie er das auch felbs bekennet) gründlich zubefchreiben/ vnd in kurtze Schrifften ordentlich zuuerfaffen/ Welchs denn auch also von ihm befehene/ vnd auff herrlichft vnd fleiffigft (als für augen) geleifet worden. Er lebt vnd grünet aber zur zeit Tyberij des Rômifchē Keyfers/ vnder des Key. May. regierung er auch die feine Hiftori vnd Bücher befchriben/ vnd derhalben auch genanter Key. May. als einem Göttlichen Menfchen (denn also fo legten die Rômer ihre Keyfer/ fo das Regiment oder Keyferthumb treulich vnd auffrichtig verwalteten/ vnd demfelbigen wol vnd mannlich fürftunden/ zu verehren) dedicieren/ vnd gleich im anfang vmb hülff vnd beyftand anfchreiben vnd beruffen wöllen. Befchließlich aber/ fo meinet man/ vnnd helt es dafür/ daß vielgedachter Valerius diesen Namen/ von feinem Vätterlichen Stammen/ Valeria/ Aber den Zunamen/ Maximus/ von feinem Mütterlichen Gefchlecht Fabio her habe/ vnd also von beiden/ Valerius Maximus/ genennt werde. Von feinem tode vnd abfterben können wir nichts eigentliches finden/ wiffen oder fürbringen. Was aber diefe feine Bücher betreffen vnnd anlangen thut/ die hat vor Jahren Petrus Selbeth/ der befchriben

)(6<sup>r</sup>

---

vnd feinen Büchern.

ſchriebenen Rechten Licentiat/ anfengliches ver-  
teutſcht/ Deffen Conuerſion oder vertolmetſchung  
ift jetzt von mir vnd etlichen andern/ ſo vil in der eyl/  
neben vnfern geſchefftlein je fein mögen/ mit dem  
Original Latinifchen Exemplar widerumb verglie-  
chen/ nach demſelbigen gebeffert vnd vberſehen. Laß  
dircs gũntiger geliebter Leſer/ zu deinem eigen nutz  
vnd frommen/ angelegen vnd befohlen ſein/  
Nim̄ diß mal für gut/ vnd gehabe  
dich wol.